

POSIBLES IDEAS PARA
UNA HOMILÍA CON NIÑOS
5 MAYO 2019

¡¡¡É XESÚS!!!, só El

fai milagres no COTIÁN.

1. VER: O encontro cun amigo

- Sempre desexamos ver e estar cos amigos, sobre todo se hai tempo que non o facemos por estar lonxe. ***Que sentides ao encontrarvos?, Que facedes?***
- Pascua é un tempo especial para os cristiáns, celebramos a alegría de Cristo resucitado que vive e está presente entre nós. No templo colocamos flores, carteis coa frase “Cristo vive, aleluia!”, o cirio pascual aceso, a auga.. É a primavera da Igrexa porque Cristo vive.

Estase notando a Pascua en ti, no teu grupo ou comunidade?

2. XULGAR: Xesús está connosco e fai milagres.

- No evanxeo de hoxe, Xesús resucitado preséntase aos apóstolos en pleno traballo, pescando, prepáralles comida pois necesitan forzas para saír e ser as súas testemuñas. Xoán é o primeiro que o descobre. ***“É o Señor!”***.

QUE NOS QUERE DICIR?

- Xesús achégallenos na actividade**, non se estamos ociosos.
- *Os apóstolos non están esperando que se lles apareza Xesús, póñense a traballar, búscanse, esfórzanse,... E aparéceselles Xesús: ***“é o Señor!”***.

*Se queremos atopalo hai que esforzarse, traballar, buscalo, deixar cousas, poñerse á escoita e el farase o encontradizo.

-**Xesús fai milagres no cotián**, na vida normal, nas nosas “pescas”.

*Algúns esperan espectacularidades para ver a Xesús.

*Xesús segue hoxe achegándose nos nosos traballos e el dálle un “toque”, fai o milagre de multiplicar o noso pouco de amor, de evanxelizarnos, de “botar as redes” de novo no seu nome, de mellorar o mundo... *É a presenza de Cristo Resucitado a que converte o desastre en éxito.*

*O Papa Francisco escribía: “**Gústame ver a santidade no pobo de Deus paciente**: os pais que crían con tanto amor os seus fillos, neses homes e mulleres que traballan para levar o pan á súa casa, nos enfermos, nas relixiosas anciás que seguen sorrindo” (GE 7).

***Es cristián na vida diaria?
Descobres a Xesús na túa vida?***

3. ACTUAR: Axúdalle a Xesús a facer pequenos milagres

-Recorda que Xesús se nos achega na actividade, non se estamos ociosos.

-Vede que pequenos milagres Xesús fará en vós se lle botades unha man no vivir cotián, na túa familia, no cole, traballo...

-Dedicade tempo a encontravos con Xesús na oración, no partir o pan (eucaristía). Aí poderedes sentir a ledicia de estar con el e dicir: “É o Señor!”. -Facede un mural coa frase “É o Señor” e vede onde poderedes encontralo hoxe.

Que imos facer? E como grupo?

A PALABRA

Feitos dos Apóstolos 5, 27b-32. 40b-41: *Testemuñas disto somos nós e o Espírito Santo.*

Salmo 29: *Eu lóote, Señor, porque me libraches.*

Apocalipse 5, 11-14 *Digno é o Añó degolado de recibir o poder e riqueza.*

Xoán 21,1-19: *Xesús achégase, toma o pan e dállelo, e o mesmo o peixe.*

Narrador: Naquel tempo, Xesús aparecéuselles outra vez aos discípulos

xunto ao lago de Tiberíades. E aparéceselles deste xeito: Estaban xuntos

Simón Pedro, Tomé, alcumado o Xemelgo; Natanael, o de Caná de Galilea;

os Zebedeos e outros dous discípulos seus. Simón Pedro díxolles:

Pedro: -«*Vou pescar*».

Narrador: Eles contéstanlle:

Apóstolos: -«*Imos tamén nós contigo*».

Narrador: Saíron e embarcáronse; e aquela noite non colleron nada. Estaba xa amecendo, cando Xesús se presentou na beira; **pero os discípulos non sabían que era Xesús.** Xesús díxolles:

Xesús: -«*Rapaces, tendes peixe?*».

Narrador: *Eles contestaron:*

Apóstolos: -«*Non*».

Narrador: *El dilles:*

Xesús: -«*Botade a rede á dereita da barca e atoparedes*».

Narrador: Botárona, e non podían sacala, **pola multitude de peces.**

E aquel discípulo a quen Xesús amaba díxolle a Pedro:

Xoán -«*É o Señor*».

Narrador: Ao oír que era o Señor, Simón Pedro, que estaba espido, atouse a túnica e botouse á auga. Os demais discípulos achegáronse na barca, porque non distaban de terra máis que uns douscentos cóbados, remolcando a rede cos peixes. Ao saltar a terra, viron unhas brasas cun peixe posto encima e pan. Xesús díxolles:

Xesús -«*Traede dos peixes que acabades de coller*».

Narrador: Simón Pedro subiu á barca e arrastrou ata a beira a rede repleta de peixes grandes: cento cincuenta e tres. E aínda que eran tantos, non se rompeu a rede. Xesús díxolles:

Xesús: -«*Vamos, xantade*».

Narrador: Ningún dos discípulos atrevíase a preguntarlle quen era, porque sabían ben que era o Señor. Xesús achegouse, tomou o pan e déullelo, e o mesmo o peixe. Esta foi a terceira vez que Xesús se apareceu aos discípulos logo de resucitar de entre os mortos.

Palabra do Señor

(Narrador-Xesús-Apóstolos-Pedro)